



姓韻卷十八

八齊

齊 見風俗通姓苑

或威張

澍篡



左昭元年傳楚公子設服離衛衛齊子曰苟或知之雖憂何

害杜注齊子齊惡又昭二十年傳衛公孟狎齊豹奪之

不昭上十年傳衛公孟狎齊豹奪之司寇與鄆有役則反

之無則取之故齊豹北宮喜褚師圃公子朝作亂杜注齊

豹齊惡之子為衛司寇

論衡齊詹問晏子曰忠臣之事君若何晏子曰有難不死
出亡不從

國策韓齊明謂公叔曰齊逐幾瑟楚善之今楚欲善齊甚
公何不令齊王謂楚王王爲我逐幾瑟以窮之楚聽是齊
楚合而幾瑟走也

司馬彪莊子注齊諧人姓名也按高僧傳有齊諧者妻胡
母氏病請杯渡和尚至一呪病即愈齊諧因爲作傳記其
從來後杯渡死三年後來齊諧家杜天期水丘熙等並見
之事在元嘉是晉又有一齊諧也

漢百官表有齊晉光祿大夫

功臣表平定敬侯齊受以卒從起留以家車吏入漢以驍
騎都尉擊項籍得樓煩將用齊相國侯侯子市人嗣市人
子應應子延居延居子昌有罪免元康四年受子孫安平
大夫安國詔復家

唐韓凝有漢齊蓋廟碑文諱蓋字副世前漢平帝錫字漢
賢生為人瑞歿爲人神十一代祖周謚康公因避田和墓
亂爰宅于茲曾祖節皇懷州刺史祖賀皇左司郎中考智
皇成帝博士蓋子元始季年拜平北將軍幽州刺史封陰

瀆侯又封閔內侯兼知河北道事

按氏人有齊姓後漢氏人齊鍾留晉孟觀禽氏帥齊萬年
晉以周處為建威將軍與振威將軍盧播討齊萬年萬年
曰周府君嘗為新平太守有文或才若專斷而來不可當
也或受制于人此成禽耳

經籍志晉有齊恭注漢書

前秦錄堅以九巖氏酋長水校尉齊午為右
司馬領一千戶為長樂世卿又苻登扶風太
守齊益男

前涼錄後將軍齊肅後涼呂纂時侍中齊從

後燕錄安次人齊涉聚眾八千餘家據新柵降燕坐拜涉
魏郡太守

後秦錄征虜將軍齊難守忠不貳京兆杜延以尚書僕射
齊難無匡輔之益作豐草詩箴之難後為勃勃所禽又姚
興中壘將軍齊莫勇果兼人

唐書齊幹字洗心定州人李嶠稱其王佐才官濠常潤三州
刺史又為右丞時開府王毛仲寵幸用事弄龍蓋將軍葛
福順為姻親幹論之

唐書齊映瀛州人中博學宏詞以舍人同中書門下平章
事初從幸梁州每過險映常執轡御馬奔跳帝恐傷映令
捨之映堅執久之乃是從貶洪州刺史江西觀察使異復用
因帝宴端午為銀瓶高八尺者以獻

又齊抗字遐舉吏事閑敏有文雅以中書侍郎同門下平
章事按舊書云抗雖讀書無遠智大畧凡為官必求至精

按唐秘書監齊光又撰蔣澄碑見全唐文齊光又本是姓改齊

亦作齊

光義曾為宣城長史見李白趙侯西侯新亭頌

五代史後周世宗遣供奉官齊藏珍齎詔書責定難節

度使李彝興

齊季氏見世本

世本魯有大夫齊季窺

黎 見世本風俗通廣韻路史

漢功臣表軼侯黎朱蒼以長沙相侯高后三年孝侯晞嗣
孝文十六年彭祖嗣又侯扶嗣元封元年坐為東海太守
行過擅發卒為衛當斬會赦免

異聞錄張良所得力士滄海君陳人黎姓也

藝陽國志蜀漢黎韜王堂舉之按蜀志楊戲身巴西黎韜

幼相親厚後韜無行見捐戲經紀振郵思好如初
文選注吳有黎斐按一作離斐

周書黎景熙字季明河間鄭人曾祖疑魏太成時以軍功
賜爵容城縣男後為燕郡守祖鎮父瓊並襲爵季明好字
象知術數習楷篆與許氏有異周文徵入關令定古今文
字於東閣大統末拜著作郎天和和中進車騎大將軍

唐書黎幹戎州人以星術進擢諫大夫遷京兆尹以嚴肅
為理按楊綰為相幹駟從甚盛即日減之止存十騎按舊
書幹為諫議大夫時議太祖景皇帝非受命之君不合配

享天地為十誥十難以詰潤州駕歸崇敬之議

犁 見路史

左定公八年傳齊侯伐晉夷儀東郭書讓登犁彌從之
齊侯賞犁彌犁彌辭曰有先登者臣從之哲憤而衣赭裘
公賞東郭書乃賞犁彌定十年傳夾谷之會犁彌曰孔丘
知礼而無勇若使萊人以兵劫魯侯必得志焉

韓非子魯穆公使眾公子或宦于晉或宦于荆犁鉏曰假人
于越而救溺子越人雖善游子必不全矣失火而取水于海海
水雖多火必不滅矣遠水不救近火也今晉與荆雖強而齊

近魯惠其不救乎按史記犁鉏嘗勸齊景公遺魯哀公
女樂二八左傳則作犁彌蓋一人也

犁婁氏見通鑑外紀

犁比氏見姓纂

稽 見風俗通路史

風俗通稽黃秦賢人也按呂氏春秋秦賢者稽黃

貨殖傳稽發以博掩致富

功臣表馱茲戾稽谷姑以小月氏首王將累降戾是西域姓也

酸棗令劉熊碑陰好學稽詳子李

王智深宋史宋太尉義恭於彭城遣軍主稽斗敬至北城覬候

魏軍按通鑑作稽稽非

續畫品錄稽寶鈞耳聃松無的師範而意兼真俗賸采鮮麗

觀者悅情若辨其優劣則僧繇之亞

宋類苑稽聳高郵人知文天祥匡復遣子德潤等迎之

氏族畧稽應龍吉水人嘉定進士稽原字子長崑山人嘉定進士

氏姓謹元稽適為石首縣主簿廉得父子坐重辟者免其子

明稽昭崑山人正德間任灤州知州涉獵古今涖民得體稽

列祥符人宣德中任弋陽縣丞

題名錄稽應科無錫人萬麻甲戌進士

縉紳錄嘉慶時有稽燮錢塘人任奉新縣羅坊巡檢

稽山氏見姓纂

奚見姓纂路史

魯頌新廟奕奕奚斯所作按奚斯所作者新廟也而法言云公子奚斯常晞正考父矣是以奚斯作闕宮之詩也蓋用韓詩薛君傳為說而班固曹褒王延壽皆從之

國語吳王夫差既勝齊人於艾陵乃使行人奚斯釋言於齊韋注奚斯吳大夫按此又一奚斯也

呂氏春秋秦穆公與師襲鄭賈人弮高奚施將西市於周遽使奚施歸告按淮南子作蹇佗而左傳不載

余疋注漢零陵文學奚景得舜玉瑄於冷道舜祠下按文選注引風俗通作奚景仲一說景問麓林道士始知之

漢書衡山王與奚慈張廣昌謀求能為兵法候星氣者

百官表光武時太倉令奚涉按古今注戴涉生入故太倉令奚涉罪下獄死

功臣表魯公侯奚涓以舍人從起沛至咸陽為郎入漢以將軍定諸侯功比舞陽侯死軍事六年侯涓亡子封母底為

侯

又成陽定侯奚意以魏郎漢王二年從起陽立擊項籍以太
原尉定代侯孝文十一年侯信嗣後有罪要斬元康四年意
曾孫陽陵公乘通詔復家

西域傳烏孫公主子萬年在漢遣使者奚充國送之

江表傳孫皓時臨海太守奚熙信譌言謂皓死舅子何都代
立舉兵欲誅都為都叔父信擊殺按吳志皓遣三都督收

熙熙發兵自衛為部曲所殺

魏書奚康生陽翟人本姓達奚先居代官征虜將軍相州

刺史子難十牛備身

又奚混官嘗食典御

又奚眷太武平姑臧遣眷攻沮渠牧犍弟私署張掖太守宜得

宜得奔酒泉酒泉太守無諱與宜得奔高昌沮渠天周後據

酒泉眷討平之

又奚根皇始初歸魏官尚書令子拔尚寧陰公主拔子敬

大司馬大將軍

又奚牧代人重厚有智謀官輔國將軍并州刺史

又奚斤代人世典馬牧父輩有寵於昭成帝斤機敏有識

度官晉兵大將軍奚他觀斤長子除廣平太守奚緒
他觀孫為大中大夫左將軍奚遵緒之子奚鑒緒弟
之子官中堅將軍奚和觀他觀弟官龍驤將軍奚烏
侯斤兄普回子官散騎常侍奚兕烏侯子官知臣監出
為薄骨律鎮將

北齊書張子信傳甚衛奚永洛與子信對坐有鵲鳴于庭
樹鬥而墮焉子信曰鵲言不善向夕若有風從西南來歷
此樹拂堂角則有口舌事今夜有人喚必不得往雖勅亦以
病辭子信去後果有風是夜琅邪王五使切召永洛且云

勅喚永洛欲起其妻苦留稱墜馬腰折詰朝而難作

北齊書後帝以淑妃奔高梁開府奚長樂諫曰半進半退
兵戰之常體今兵眾全整未有傷敗陛下舍此安之御馬
動人情驚亂

錄異記唐奚三兒預知人貴賤夭壽官令史

唐書奚陟字殷卿京兆人少篤志通羣籍大祿末擢進士
文詞清麗科授弘文館校書郎遷吏部右侍郎贈司空
陟少自底厲著名節子敬元考功郎中左補闕按劉禹
錫陟神道碑云字殷衡

唐本事奚賈富春人與常建同時工詩郎士元有送奚賈詩

唐書孟方立遣其將奚忠信將兵三萬襲遼州李克脩擊破之禽忠信送晉陽

遼齊閒覽唐末墨工奚超與其子廷珪自易水渡江居歙州南唐賜姓李氏廷珪初名廷邽故世有奚廷邽又有李廷珪墨或作庭珪訛也廷珪之弟之子文用比自能世其業然皆不及廷珪

奚容氏見姓纂

史記孔子弟子奚容蒧按家語作奚蒧字子偕魯人史記

正義云衛人

奚計盧氏見官氏志

奚邪勿氏見唐書

嵇 見文章叙錄嵇氏謚王隱晉書曰虞預晉書廣韻姓纂

嵇康謚康父昭字子遠督軍糧治書侍御史兄喜字公穆

晉揚州刺史宗正

晉書嵇康字叔夜以魏長樂亭主婿遷郎中拜中散大夫按康著琴賦與山濤絕交書曰送秀才從軍詩高士傳

按魏志注晉書康子紹字延祖少知名山濤啓以為秘書郎
稱紹平簡溫敏有文思又曉音當成濟者帝曰紹如此便可
為丞不足復為郎也官侍中從惠帝死蕩陰之難從子舍
字君道好學能文著草木狀為廣州刺史晉書舍祖喜
為徐州刺史父蕃太子舍人舍自號毫丘子置歸厚之門
室曰慎終之室

晉書江夏太守嵇喜破吳將李成

齊書帝怒臨漳令嵇曉舍人李文思以賜臣下為奴曉于
肅宗時為平州刺史建議開督亢陂置屯田歲收稻粟數十

萬石北境周贍于河內置懷義屯以給河南之費由是稍止轉輸
之勞

北史魏大將軍長樂王嵇敬屯漠南以備柔然按通鑑作
稽敬非也代人嵇根世為統奚部帥生子拔拔子敬

倪 見姓誣廣韻

漢書崔篆為建新大尹稱疾三年不視事門下掾倪敞諫篆
行春篆乃強起

廣韻後漢有揚州刺史倪諺按馬嚴傳云益州刺史朱鮪揚州
刺史倪說涼州刺史尹業每行考事輒有物故注說音悅是作

諺非也

魏志管輅傳注清河旱倪太守問輅雨期輅言樹上已有少女
風

魏志魯郡倪覲為刺史

搜神記吳時嘉興倪彥思居縣西埏里有鬼魅在其家與人
語飲食如人故惟不見形郡中典農聞之曰此當是狸物此

魅即謂典農曰汝盜官穀千百斛為吏污穢而敢論吾耶

晉書倪啟為江陰太守

唐書倪若水字子泉中山藁城人為侍御史奏彈國子祭

酒祝欽明司業郭山暉亂常改作希音病君為汴州刺史

諫多宗取珍禽奇獸於南方入為戶部侍郎尚書左丞當班

景倩自揚州採訪使入為大理少卿過州若水餞于郊顧左右曰班

公是行若登仙吾恨不得為騶御

唐書倪曙字孟曦侯官人中和中及第有賊名為太學博士

唐書朱全忠遣駕前指揮使倪可福將兵五千戍荆南以備

吳蜀

倪犁氏見路史

黎 見姓苑一作藜

周書東魏以故胡梨苟為東義州刺史史寧僅得入州梨苟亦至寧迎擊破之

氏姓謹梨公弁宜黃人正統時任建陽訓導

兒 見姓纂按與支韻之兒不同

呂氏春秋兒說魯鄙人遺宋元王閉人莫之解兒說之弟子請往解之按韓非說儲兒說善辯者也淮南人間訓注

兒說宋大夫

新序齊伐宋康王逃于兒戾之館得病而死

游俠傳臨淮兒長卿雖為俠退讓有君子之風師古注兒

五兮反

漢書御史大夫兒寬千乘人師古注兒五兮反按一作倪寬非

魏相傳高帝時兒湯舉秋

南蠻傳居風人李達反九真太守兒式戰死注五兮反

漢書王郎遣將兒宏率數萬人救鉅鹿注兒音五兮反

鍾離意別傳意轉東平瑕丘令男子兒直勇悍力便弓弩

飛射走獸百不脫一桀恃好犯長吏意到官召署捕盜掾

敕謂之曰令昔破三軍之眾不用尺兵嘗縛暴虎不用尺

繩但以良謀為之掾之氣勢安若宜慎之因復召直子涉
署門下將游徼

楊統碑陰故吏蘄兒銀字伯玉按楊震碑陰有沛國兒伯
玉即其人

吳書兒尋為府吏得外實疾等佗醫之按亦見魏志

金石略齊末東昏時兒珪之南齊桐柏山金庭觀永元三
年沈約撰兒珪之書

西

見姓苑

氏族畧宋有西達字善卿濮陽人任邵武推官

元史西漢傑葉縣人官祇部尚書封南陽郡侯

明史歸善王當返莊正德九年梁穀邑人西鳳竹屈昂誑

穀云質巖且為亂穀心動因並指乾等告變於尚書楊一

清

氏姓誣西寧弘治元年任金山衛指揮守備汀州

陝西志西華陝西人正德中任萊州府通判

江南志西穎宿州人正德中任臨海縣丞

西鄉氏見世本

風俗通宋大夫西鄉錯

尸子隱者有西鄉曹

西乞氏見世本姓卷

左傳秦師西乞術與白乙丙孟明視為晉執按西乞術為蹇叔

子世系表云孟明視之子也西乞術初事穆公後事康公康

公六年使術如魯曾聘且告伐晉

西鉏氏見世本

左傳成公十八年傳楚納魚石彭城宋惠之西鉏吾曰今楚將宗諸

侯之姦而披其地以塞夷庚逞姦而携服毒諸侯而懼吳晉吾

庸多矣非吾憂也襄十二年傳宋災樂喜為政使太宰西鉏吾

庀府事令司宮巷伯徹宮

英賢傳宋大夫西鉏吾漢有侍御史西鉏虛

西陵氏見史記淮南王蠶經

世本春秋時有大夫西陵羔按氏族畧引羔作高誤

龍門禹廟宗李方題名碑有西陵仲武按即西陵隸作曲

西門氏見姓苑

鬻子湯七佐有西門疵

史記魏文侯鄴令西門豹時謂聖令

桓譚新論曲陽侯王根迎方士西門君惠從其學養生

卻老之術君惠曰龜稱三十年鶴言十年以人之材何乃不及禽蟲耶王莽傳道士西門君惠好天文知識記為衛將軍王涉言劉氏當復興國師公姓名是也

韓勅造孔廟祀器碑有河東大陽西門儉字元節

隨書將軍來整擊杜伏威破之其將西門君儀之妻王氏勇而多力負伏威以逃又輔公祐反薛士通與賊將西門

君儀戰破之按君儀公祐之偽僕射也

唐文劉宗金有授奚官局丞上柱國西門廷暉掖庭局丞制柳公權傳宣宗召公權升殿御前書三紙軍容使西門季

季捧硯宦者傳唐世中以忠謹稱者惟楊存亮西門季

季嚴遵美三人按蘇鸚杜陽雜編左軍容使西門季季素

鯁直乃謂季可及曰爾恣巧媚以惑天子滅族無日矣可

及恃寵亦無改作上賜可及金麒麟高數尺可及取官車

載歸私第西門季季曰今日受賜更用官車他日破家亦

須輦還內府不道受賞徒勞車足後可及坐流嶺南其舊

賜珍玩悉皆進納君子謂西門有先見之明按其事亦見

曹確傳常新錄西門季季造二色酒酒中有黑花斟于器

中花亦不散中有肝石故也崔道旋以金銀銅錢來沽曰

以我三樣錢沽君二色酒欲辭得乎亦見雲仙雜記

唐書西門匡範為樞密中尉帝趨咸陽中人西門匡範統右軍以殿按宦者傳作正範宋人避太祖諱改

按舊唐書左軍中尉西門重遂殺天威軍使賈德晟又請與李茂貞鳳翔地為百姓計又李茂貞逼昭宗御安京師天門斬觀軍容使西門重遂按舊書又作君遂也

唐書天威都將李順節恃恩驕橫中尉西門重遂白上恐其作亂又李茂貞表求招討不已遺西門重遂書陵茂朝廷上意不能容

北夢瑣言鄭畋小字桂兒西門思恭為監軍畋父亞餞于北

郊託之亞卒思恭使人召畋選師友教導之後為相黃巢

入長安思恭逃難于終南山畋訪獲之清溫清侍膳如父焉思

恭卒畋葬于鳳翔西岡又云吳行舟尚書彭州人少事理官

西門思恭小心謹慎後假以軍職除彭城刺史盧耽表為西

川行軍司馬禦蠻有功歷東川山南二鎮節度使按玉堂

閒話六軍使西門思恭常御街命使于新羅風水不便累月

漂泛于滄溟忽抵南一岸亦有田疇景物登陸四望俄有一大人

身長五六丈衣裾差異聲如雷震下顧西門有如驚嘆以五

指撮而提行入一岩洞長幼羣聚皆有喜容信宿逃回入船

大人追及之以手攀船于是揮劍斷下三指指大于槌大人乃退及達北岸遂進其三指漆而藏于內庫按舊唐書僖宗以左監門衛上將軍西門思恭為右威衛上將軍

唐書德宗紀十四年鳳翔監軍使西門去奢殺其將夏戾衍封氏聞見記西門裳為邯鄲令入寺行香見金燈花不識以為芝草令脩狀申使司使司差官就檢時兵戈之後僧徒多後輩亦不之識但云此芝草宿根春時生葉至夏生花秋乃死見來如此不記種蔣年歲檢官具上其事使司知其誤不復問矣

按道光元年陝西長安縣南鄉出唐碑係西門珍墓誌銘云大唐故朝議郎行宮闈令充威遠軍監軍上柱國賜紫金魚袋西門大夫墓誌銘公諱珍京兆雲陽人祖彭不苟榮祿父進朝議郎行內給事中賜緋魚袋中叙珍至德初釋褐從事大庾末擢居宣徽建中四年涇原叛卒犯闕鑿輿西巡除內府局丞充鳳翔隴右節度監軍判官時懷光不臣潛與泚合珍諭將士以禍福德宗異之俾充荆襄沔鄂洪府宣慰使興元元年除洪府判官貞元元年拜內僕令其年秋改充毫壽觀察監軍判官遷荆南監軍八年充劍南三川宣慰使

順宗時轉為少陽院五品永貞元年賜紫金魚袋充會仙
院使元和元年改充十五宅使夫人馬氏子四人長季常次
季平季寧季燁元和十二年卒于脩德里私第春秋七
十有四葬長安承平鄉撰文者其從姪元佐鄉貢進士也
氏族畧宋祥符登科右西門治大觀登科有西門解濱州
人

氏姓謚西門晒日照人永樂中河南洧川縣丞

西方氏見姓苑

前燕錄慕容廆以北平西方虔為股肱按姓纂作西方氏

訛矣

五代史定州滿城人西方再造為州軍校子鄴

唐書曰舊五代史本傳西方鄴定州滿城人荆南高季興叛

明宗遣襄州節度使劉訓等招討而以東川董璋為西南
招討使乃拜鄴夔州刺史副璋以兵出三峽而訓等無功惟
鄴獨取夔忠萬三州乃以夔州為寧江軍拜鄴為節度
使已而又取歸州數敗季興之兵鄴或人所為多不中法度
判官譚善達數以諫鄴鄴怒遣人告善受人金下獄善
達素剛辭益不遜遂死於獄中鄴病見達為祟卒於鎮

翰苑名談西方琥年最少告狀元鄭毅夫乞作探花郎毅夫曰已差二人琥曰此無定員添一人何害

冊府元龜唐閔帝時遣供奉官西方璟入契丹

元史類編張德輝曾疏馬市論真千人以聞行狀載有西方賓

西周氏見廣韻路史

西郭氏見英賢傳路史

英賢傳漢有謁者僕射西郭高晉有北海西郭陽按陽為李重所拔用為秘書郎何承天以為中朝名士鄧名世作湯非也

西靈氏此姓諸書無今補

真誥司馬季主入委羽山石室大有宮中受石精金光藏景化形法于西靈子都

西野氏見姓苑

西宮氏廣韻云見姓苑

按周散氏盟銘有西宮襄戎蓋即複姓襄戎其名也一作

西宮襄戎夫西宮以所居為氏襄則其謚戎夫乃其字

西王氏見姓苑

新序子貢曰禹學於西王國按路史禹師西王悝即西王嫫也白虎通禹學國先生繆也

西樓氏見路史

西河氏此姓諸書無今補

後漢馬援傳援表云臣事楊子阿得西河子與相馬骨法

西都氏見潛夫論氏姓志

西閭氏

說苑西閭過東渡河中流而溺船人接而出之間曰今者子欲安之過曰欲東說諸侯王船人掩口而笑曰子渡河中流而溺不能自救安能說諸侯王乎過曰無以子之所能相傷為也

西素氏見傳餘顧複姓錄

西夏氏見周書日史託解

西申氏見瑞應圖

犀 見姓纂廣韻

衛策秦攻魏將犀武於伊闕周君之魏求救魏王以上黨之急辭之周君反見梁囿而樂之也其系世恢謂周君曰温囿不下此而又近臣能為君取之

氏姓謹犀希古獲鹿人嘉靖中任孟縣主簿

泥 見世本姓苑

辯證引世本宋大夫泥車按氏族畧引作卑泥廣韻引作車泥

後涼錄呂光進兵焉耆其王泥流率其僞國請降

按張九齡集有賜契丹都督泥禮勅又有敕松漠都督泥禮書後以泥禮為金吾衛大將軍又按通鑑云契丹王過折為其臣涅禮所殺考異云舊白傳作泥裏蓋泥裏即涅禮也

泥丘氏廣韻云複姓見姓苑

注

風俗通漢有大鴻臚注丹注音圭按儒林傳注丹南陽育陽人字子玉作易通論七篇易家宗之東觀記注丹字子玉世傳孟氏易作通論七篇世重之號注君通論王莽時避世不仕建武初為博士遷大鴻臚

經典釋文魯注弼字孟為符節令從嬴公受春秋按一作駐弼也見儒林傳

國史補唐有注炫仕洪州幕府

觥

見纂文要

觥陽氏見漢書注

後漢儒林傳博士中山鮭陽鴻字孟孫以孟氏易教授
官少府一作鮭按東觀記鮭陽鴻字孟孫中山人為世名
儒永平中拜少府後漢牟融傳融代鮭陽鴻為大司農是
鴻曾為大司農也

按阮芸臺制府師藏漢印十六有鮭陽充瓦紐見定香亭
筆談

畦

姓誼漢有畦觀按亦見集古印誼

晉書主書司馬畦秘以身蔽趙王倫中箭而死按一作畦

秘

晉書載記後燕慕容寶中書令畦邃魏師來追畦邃曰魏
軍多騎師行剽銳馬上齋糧不過旬日宜令郡縣聚千家
為一堡深溝高壘清野待之至無所掠資無所出不出六
旬自然窮退按今本作畦邃

僕

見路史

勃

海篇勃音黎姓也

齋

此姓諸書無今補

按太尉楊震碑陰有北海齋安祖楊著碑陰作齋

繫 見姓苑

棲 見潛夫論氏姓志

縉紳錄陝西同川府白水縣典史棲光耀字瞻雲浙江仁

和人議叙

棲疏氏見潛夫論

毒 見纂要廣韻玉篇與蜀同

攜 見姓苑

攜蒙氏見姓誼氏族畧按宜作僞蒙此誤宜刪

蜀 見纂要海篇集韻蜀亦作嵐

龐元英文昌雜錄蜀闔孫原人蜀音攜闔万禁反昭明太

子曰蜀出楊雄蜀記闔出公羊傳按孫原楚道山名即司

馬相如所云梁孫原也是蜀闔為蜀人矣

嵐 四公記太史獲一見姓苑纂文集韻鼠沈約画而織之以獻帝筮之遇蹇之

噬嗑曰必死鼠也闔公占曰時日旺相必生鼠矣且陰陽

晦而入文明從靜止而之震動失其性必就禽矣金盛之

月制之必金子為鼠辰與艮合體坎為盜又為隱伏隱伏

為盜是必生鼠也金數于四其鼠必四離為文明南方之

卦日中則是况陰類乎晉之繻曰死如棄如寔其事也日

斂必死既見先生鼠百寮失色而尤闕公曰占詞有四今者
惟一何也公曰請割之帝性不好殺自恨不中至日鼠
且死矣割之果姓三子

嵐 見姓苑纂文集韻嵐姓也音攜按宋章定名賢氏族錄以
韻分姓蜀在八齊韻姓苑又作嶺形異而音同一作毒音
攜與蜀同

聖 說文聖姓也亦見纂文音攜
按小徐云沈約梁四公子記有聖闕段玉裁云依廣韻梁
四公子亦作聖與聖各字

倭 見姓苑按廣韻不載此字疑即鄰氏

雋 見路史

邦 見路史

史記孔子弟子邦巽魯人字子斂家語作子斂按尚史作
邦選注云文翁圖作國選蓋避漢諱是原作邦選漢諱邦
不諱邦也見邦字辯誤

陝西志邦仲德西安人弘治甲子舉人任廣平府訓導

圭 此姓諸書無今補

左傳襄十九年士子孔圭媯之子也圭媯之班亞宋子而

相親也杜注圭媯鄭穆公妾士子孔子良父是圭乃其姓

魏志司馬芝傳子政為廷尉時大將軍曹爽專政權尚書何晏鄧颺等為之輔翼南陽圭泰嘗以言迂指考繫廷尉鄧颺訊獄將致泰重罪政數之颺慚怒而退

迷 見路史

漢書燒當羌豪迷唐入朝其餘種人不滿二千飢窘不立入居金城帝令迷唐將其種人還大小榆谷迷唐復叛

鄴 見氏姓誼

梯 此姓諸書無今補

魏志東夷辰韓國正始元年太守弓遵遣建忠校尉梯儻儻等奉詔書印綬詣倭國拜假倭王

晉書載記西秦建威將軍梯君破彭利和於瀕川按西秦錄乞伏熾磐左衛將軍匹逵建威將軍梯君等討彭利和於瀕川大破之

唐書李世勣至鬱督軍山鐵勒酋長梯真逢官帥眾來降按舊書延陀部落擾亂勣發突厥兵討

擊至烏德鞑山其大首領梯真達于率眾來降

隄 見路史玉篇

院 何氏姓苑院古隄字姓也

迎 見路史

適 見姓纂

池北偶談泰和縣早禾市巡檢適脩涿州人

蹄 見何承天纂文路史

鞑 見風俗通何承天纂文

提

左宣二年傳趙宣子車右提彌明按公羊作視彌明史記

作示彌明示音祁漢郡國志作祗明音示水經注作祁彌

明云趙盾田首山食祁彌明翳桑之下史記則云靈輒

西秦錄乞伏國仁傳鮮卑酋長提倫國仁建義三年為立

義將軍封鳴泉侯

河間府志提橋字景如河間衛人生有異徵性穎悟弱冠

試弟子員冠軍事親承志居喪盡礼先人沒後有人負債

數百金悉焚券不責償天啟壬戌進士任鄆城高丘皆有

惠政擢吏部主事公清大著端宗有提橋真吏部之語擢太常寺卿國初召授刑部右侍郎著有詩經簡正錄行世按題名錄橋天啟壬戌進士

氏 見山海經

題 見路史韻會

匈奴傳單于欲入邊寇未至會其民題除渠堂上降漢言狀是題又夷姓也

鄒 見辯證

左傳哀二十七年鄒黠壘晉士也出公四年荀瑶圍鄭鄭

人俘黠壘賂之以知政黠壘閉其口而死按人表作鄒黠

系師古注鄒音雋

鄉 見釋例

左昭二十年傳宋奪向之亂公子城公孫忌樂舍司馬彊向宜向鄭建鄉甲出奔鄭杜注鄉甲小邾穆公子

杜預春秋釋例夷父顏有功于周其子友別封為附庸居

鄉曾孫犁來始見春秋附從齊桓以尊周室命為小邾子

穆公之孫惠公以下春秋後六世而楚滅之又云穆公黠

犁來之孫射哀四年奔魯

外史小錄耿先生學道於鄉仙翁

霓

奇姓通霓濟福山人正統中任寧都知縣

谿

此姓諸書無今補

按戰國策谿子少府淮南子倣真訓注谿子國名夸名又

谿子陽匠姓名

莊子田子方侍坐於魏數稱谿工文侯曰谿工子之師邪

子方曰非也無擇之里人也稱道數當故無擇稱之

列仙傳谿父者南郡編人有仙人常止其家從之買瓜教

之練瓜與附子桂實服之一年能飛登山入水往來海邊

睽

見路史

雞

奇姓通正統時陝西苑馬寺監正雞鳴時字子信遷安人

雞彌氏見北史此姓諸書無今補

姓韻卷十九

或威張 澍菴

九佳

佳 見姓謹

涼州志佳承德直隸人康熙時為鎮番衛千總

懷 見左傳史記潛夫論

吳志顧雍傳雍案呂壹獄尚書郎懷叙函詈辱壹雍責叙

曰官有正法何至於此

搜神記惠帝元康中吳郡婁縣懷瑤家忽聞地中有犬聲

掘之獲雄雌二犬子一目猶未開長老云此名犀犬得之者富

氏族畧宋懷芑陳州人政和登科

姓氏誼懷信嘉興人永樂舉人懷進忠日照人洪熙中鴻臚寺序班懷敬西粵人永樂舉人

嘉興志懷海嘉興人景泰舉人

明史太監懷恩同法司錄囚按弇山堂別集懷恩本姓馬

題名錄懷淵中嘉興縣人康熙乙未進士

四川志懷寬井研人宣德中任大蒲縣丞懷金榜叙州府

人由行伍雍正間任興文建武營把總懷玉林興文人官

把總嘉慶二年閏六月十三日在湖北白魚塞陣亡

氏姓誼懷氏懷宋妻平湖人年二十一卒躬織紝以養

舅姑艱辛備至孫所學頌鄉薦氏年七十三事聞建坊

縉紳錄乾隆己亥舉人懷沅字有芷秀水縣人懷湘秀水

人嘉慶時官莆田縣涵江司巡檢

差見風俗通

哀十六年傳楚子問帥于大師子穀子曰右領差車與左

史老皆相令尹司馬以伐陳其可使也

厓

氏姓謚厓成四川邛州人永樂間舉人任知府按一作大足人

媯

見路史

柴

見廣韻姓謚路史

漢功臣表棘蒲侯柴茂為大將軍師古注高帝年紀作陳茂此云柴茂為有二姓柴茂之子名奇

韓勅碑陰有熒陽柴勛伯起

晉書柴文官晉陽太守

按周有驃騎大將軍儀同三司冠軍伯柴烈見庾信集

梁書角城戍主柴慶宗以城降魏

唐書柴紹字嗣昌臨汾人隨世官千牛備身入唐官鎮軍

大將軍譙襄公先尚高祖平陽公主二子哲威令茂哲威為屯衛將軍

唐書宣宗欲作五王院以處皇子之幼者召術士柴嶽明使相其地嶽明日臣庶之家遷徙不常故有自陽宅入陰宅自陰宅入陽宅刑克禍福師有其說陛下深居法宮萬神擁衛陰陽書本不言帝王家

五代史柴守胤邢州龍岡人生子榮其弟適周太祖太祖
養榮為子是為周世宗帝即為太祖嗣人無敢言守禮子
者但以元舅處之優其俸給未嘗至大梁

隨書鞏縣長柴孝和以城降李密密以為護軍說密徑取
長安又自請問行入長安觀豐

路振九國志柴再用始名存事孫儒與一小校結死友有

告小校反儒斬之執存之詰至何故反不對又問對曰與彼

結死友彼反則某反公誅之復何問焉儒奇之曰汝果不

反吾再用汝因改名柴按再用汝陽人先為朱延壽都押牙

後為壽州團練副使說蘄州大將賈公鐸降徐知誥以為

戎昌節度使德勝節度使兼中書令卒先是史官王振嘗

詢其戰功再用曰鷹犬微效皆社稷之靈再用何功之有

竟不報其子克宏沈默好施不事家產雖典宿衛日與賓

客博飲未嘗言兵其母表稱克宏有父風

宋史柴禹錫字元圭大名人太宗時官樞密使授鎮寧州

節度使歷涇州貝州子宗慶尚主宗亮官太子中允

氏族畧柴成務字寶臣濟陰人父自牧進士能詩官至兵

部員外郎成務乾德中拔解太宗知其名擢甲科麻殿中

侍御史知果蘇二州兩浙轉運使入除戶部員外郎賜金紫光祿少卿使高麗還知制誥博文稽古善談論士人重其文雅有集二十卷子貽範授國子博士

街 見姓苑

皆 見纂文

婢 音柴見海篇直音

娃 見纂文要

淮 見姓苑

通州志嘉靖二年通州同知淮錫臨汾人由監生任

太平府志淮大相嘉靖中太平府推官絳州人按弇山堂別集作天相

淮夸氏見姓纂

槐 見姓苑廣韻

氏族畧唐有槐公儉揚州人貞元進士槐承榮屯田員外郎又槐元忠韋應物詩有槐廣宋有槐京官尚書郎氏姓誕槐寅福清人萬秣中官成都都指揮使按四川志作隆慶時

鄜州志槐琮扶風人廩貢嘉慶十年任州學正

俳 見池北偶談舊姓書無今補
鮭 見姓纂路史

氏族畧漢有鮭湛雲閩中人國子博士按漢宜作唐漢無
國子博士也姓源韻誼作唐人為是凌迪知亦亦誤為漢
鮭陽氏見漢書注

姓纂漢有大司農鮭陽鴻字孟宗按儒林傳東觀記鴻官
少府一作鮭陽

十灰

灰 池北偶談異姓有灰姓此姓諸書無今補

回 見廣韻

前涼錄興寧二年秦遣大鴻臚回國拜天錫為大將軍涼
州牧西平公

遼史天祚帝紀保太二年奚王回鹘保僭号改元天復尋
為眾所殺

榮昌縣志回喬榮昌人宣德中任蒲州知州

安徽志回謙巢縣人宣德中任御史按謙一作續弇山堂
別集作官知府

河間府志回滿住東光人奉祖母劉至孝永樂初負劉至

京師求佛劉病于塗滿住割股食之病良已

通州志順治間有回趨聖為通州學正

縉紳錄嘉慶時有回繼勇任王家務千總

回紇氏見路史

唐書蘇定方傳征賀魯以任雅相回紇婆潤為副定方命

回紇婆潤將胡兵趣邪羅斯川追沙鉢羅

唐書王君奭傳君奭奏四部有叛謀乃流瀚海大都督回

紇承宗于灤州以回紇伏帝難為瀚海大都督承宗族子

瀚海司馬護輸糾合黨眾為承宗報仇殺君奭于甘州南

鞏筆驛

枚 見史記索隱路史

孔叢子魏人枚產問子順曰臣墮于財聞猗頓善殖貨欲

學之然先生同國也當知其術願以告我按產一作彥

國策六國時有賢人枚被

漢書宏農都尉淮南枚乘字叔生皋字少儒為郎父子皆

工詞賦皋為文疾受詔輒成自言不如相如

漢書衡山王賜謀反使枚赫陳喜為輜車按赫為淮南王

客江都人

南齊傳王莽時越雋郡守枚根調印人長貴以為軍候更始二年長貴率種人攻殺枚根自立為印毅王領太守事
按一作枚根

畫圖見聞志前五代有善畫人枚行思

氏姓謹枚倫字彥常正統中刑部主事乞歸養久為郎官
雍容無躁心時人賢之升湖參議

江南通志枚應發吳縣人事母孝母疾剗股灼肌以代母
痛露禱于庭見斗六星一星尚隱入視母已起坐云見六
人來以水灑之霍然蘇

梅 見唐世系表

晏子春秋韓非難言篇梅伯醢呂氏春秋行論篇紂為無
道殺梅伯而醢之以凡諸侯守廟文王流涕而咨之過理

篇殺梅伯而遺文王其醢不適也文王貌受以告諸侯

史記酷吏咸宣傳南陽有梅免等擅自号攻城邑取庫兵

釋苑

史記番君吳芮將梅銷功多預封為十萬戶侯漢書高祖紀
還攻胡陽遇番君別將梅銷與偕攻析酈按湖南志以銷
為長沙人未審所據

漢書梅福字子真九江壽春人明尚書穀梁春秋為郡文學補南昌尉成帝亡嗣福上書以為宜建三統封孔子之世以為殷後按神仙傳福妻袁氏長子勉次子勵季女貞兒配於嚴光

襄陽記祖中在襄陽一百五十里魏時夸王梅敷兄弟三人部曲萬餘家屯此按吳志魏將梅敷使張儉求見撫納南陽陰鄱筑陽山都中廬五縣民五千家來附按廬江帥梅乾梅成亦見魏志

晉書梅頤字仲真於大航頭得古文尚書按夸王梅頤帥支黨附見吳志又一梅頤也

晉書梅陶官尚書國喪未幾而私奏女妓為鍾雅所奏居鄉立月旦評大將軍諮議參軍又梅陶與曹識書曰陶公

機神明鑒似魏武忠順勤勞似諸葛陸抗諸人不能及也按梅陶鵬鳥賦序曰余既遭王敦之難遂見忌錄居于茂昌其秋有野鳥入室感賈誼鵬鳥依而作焉

齊書東昏侯左右梅蟲兒為所委任江祐常裁折之南昌志梅盛字昌圖仕晉為章安令擢南昌別駕知晉將亡即隱于是邑人稱為梅長官

梅伯氏見韻誼

雷 見路史

氏族畧宋有雷恢元祐初官教授

雷 見辯證

帝王世紀黃帝臣雷公究息脉兼詳炮炙之藥性按雷公名敷或云即苗父

淮南王傳郎中雷被太子召與戲誤中太子太子怒被恐遂亡之長安上書自明

漢書雷義字仲公鄱陽人官守灌謁者旋拜御史除南頓

令子授官至蒼梧太守與陳仲友

後漢南蠻傳南郡潯山蠻雷遷

蜀志將軍雷同按廬江梅乾雷緒陳蘭等各聚罪照數萬在

江淮間受關羽印号

吳志宜都太守雷譚擁遏上流號令嚴肅威震隣敵

晉書豫章人雷煥字孔章妙達象緯為豐城令掘獄得寶

劍

蘇昌簡文房四誼雷孔章曾孫穆之猶有張粵與祖書乃

桑根紙也

南史處士雷次宗字仲倫隱鍾山草堂明三朮毛詩子肅
之頗傳其業官至豫章郡丞按次宗撰有豫章記南康鄧
德明嘗從學于次宗見述異記

後魏書雷紹字道宗官渭州刺史

前秦錄雷弱兒南安人為輔國將軍太尉大司馬雷惡地
新平羌附于苻纂苻登以惡地勇略過人陰憚之惡地降
于後秦苻萇以惡地為鎮軍將軍後叛附于魏褐飛又降萇惡
地猛毅清肅不可干以非分嶺北諸豪皆敬憚之姚秦將
軍雷竒立節將軍雷星揚威將軍雷重

唐書著作郎雷穎左庶子雷威張巡將雷萬春

唐書安祿山宴群臣于凝碧池樂工雷海清不勝憤擲器
于地西向慟哭祿山怒于試馬殿前支解之

崔 見廣韻唐世系表

宣十九年傳齊惠公齊崔杼有寵于惠公高國畏其偏也公
卒而逐之

左僖公二十八年傳晉侯宋公齊國歸父崔夭次于城濮

世系表崔杼生成及彊二十七年慶封使盧蒲癸殺成及
彊杼及其妻東郭氏縊崔明奔晉生良十五世孫如意為秦

大夫封東萊侯

莊子崔瞿問于老聃曰不治天下安臧人心老聃曰汝慎無撓人心

韓詩外傳崔嘉聞申徒狄入河而止之

神仙傳有崔文子太山人按楚詞所云白蜺嬰蒂胡為此堂即文子事又浮丘公以相鶴經授王子晉王子晉以授

崔文子文子藏嵩岩室中潛居錄崔文子能吹反潮之曲

陶潛四八目漢崔廓子少通即夏黃公按世系崔氏仲卒

生融融生石石生廓字少通生寂寂生欽生朝

漢書東萊侯崔意如子業漢初封業子昱昱子紹紹子雅

按一作崔如意秦時人

漢書崔駰安平人字季伯作七依達旨官長

地理志崔不意為漁澤尉勸農效穀縣所由名

按漢書崔賈字子真又名台字元始官議郎作元始論四

民月令崔瑗字子玉官濟北相作七蘇草書勢南陽文學

官志崔琦字子璋官臨濟長作四皓頌又作白鵠賦以諷

梁冀冀幽殺之崔琰字季圭官尚書崔林字德儒大鴻臚

拜司空崔烈官太尉城門校尉子鈞字孔平官西河太守

又按漢博陵太守孔彪碑陰有故吏司徒掾博陵安平崔烈字威孝摯虞文章志作威考駟之孫瑗之兄子崔氏誼鈞字州平太尉烈子均之弟也九州春秋均字元平梁祚魏國統曰州平兄元平為議郎以忠直稱晉書漢末王公名士多委王服以幅巾為雅是以袁紹崔鈞之徒雖為將帥皆著幅巾此又鈞之遺事傳所不載

劉孝標世說注晉百官名崔豹字正熊燕國人惠帝時官至太傅

困學紀聞陸機傳云弟雲嘗與書曰君苗見兄文輒欲焚焚

其筆硯君苗未知姓氏攷之雲集有與平原書曰前登城門意有懷作登臺賦極未能成而崔君苗作之聊復成前意始知其為崔君苗也按楊慎丹鉛總錄應璩有與從弟君苗書唐人所謂君苗無姓者止謂史失其傳耳據此有二君苗也

埋 見姓苑

積 見姓解

按積叔與桃子為王子帶之黨緣惠后欲立子帶故其黨皆翟人伐周見國語亦見左僖二十四年傳

裴 見風俗通唐世系表

西域傳裴遵官侍中從世祖平隴蜀按遵為敦煌太守曾
孫茂字巨光為御史侍中謁者尚書魏畧茂靈帝時歷縣
令郡守尚書建安初以奉使率導關中諸將討李傕有功
封烈侯世系云封陽吉平侯

後漢書裴瑜送太守史弼按注引先賢狀瑜字稚璜聰明
特達觀物無滯清論所加必為成器醜議所指沒齒無怨也
後官至尚書

隸釋穀阮五部神祠為東河裴畢字君先所立按水經注
鄭縣城南山北有五部神廟廟前有碑漢光初四年鄭縣
令河東裴畢字君先立又考山祠堂碑有云河東裴仲恂
役其逸力修立壇廟引道樹柏迄于山陰

謝承後漢書關西人裴優能作三里霧按桓帝紀扶風妖
賊裴優自稱皇帝伏誅

魏志裴潛字文行聞喜人避亂荊州謂劉表非霸王之才
仕魏為兗州刺史明帝時入為尚書拜太尉按吳有校尉
裴潛孫權使泛海之遼東

吳志裴孚字彥黃下邳人有學行仕吳官至大中大夫問

子欽齊桓晉文夷惠四人優劣欽答所見與元相反覆各有文理欽與太子登游處登稱其翰采按裴子著有新語
晉書裴潛子秀字秀彥為晉司空作禹貢地輿圖十八篇
上之子濟官至散騎常侍

晉書裴頠字逸民弘雅有遠識博學稽古奏修國學刻石
寫經官尚書左僕射頠以風教陵遲著崇有論又著辯才
論徽子楷字叔則精老易風神高邁容儀俊爽博涉羣言
特精義理官散騎常侍中書令侍中晉懷帝有北中郎將
裴憲

梧

見漢書注

漢書袁盎之梧生所問占文穎云秦時賢士善術者也顏
師古云姓梧名育按此梧生即律麻志所云安陵人梧育
也

十六國春秋苻秦有梓潼太守梧襲按梧一作壘襲一作

錫

梧

見姓苑

律麻志梧育安陵人治終始蘇林云梧音布回反師古曰
姓梧名育也

氏族畧宋杯承寵元豐間知洪州

開 見姓纂韻會廣韻路史

漢書淮南王傳有司馬開章按當是姓開名章師古以為人名非也按賈子棧苛啓章之謀不作似本姓啓因避諱而作開

朝野雜記開趙者沂州土豪也初姓趙名開山紹興末虜亮苛虐人心不附開山因聚眾山澤間為盜及虜亮入寇朝廷遣李寶入膠西開山引兵自城陽會之因改姓開名趙山示欲開趙氏中興之業也既而葛王立趙隨寶歸朝

積官或略大夫英州刺史乾道庚寅南郊當任子自言今已姓開不可使父無子孫繼後乞將男天錫一名許從趙姓蔭補以繼父趙整之後詔特許之一家兩姓自昔所未有也一說趙山常取肝救父

明史小王子寇宣府入太白陽堡參將王經開山戰死所部殺傷殆盡

明史開濟畧陽人洪武初舉明經仕至刑部尚書坐黨禍

暴卒

欽 見姓纂

虺 見潛夫論路史

朝野僉載吉頊奏曰于安遠告虺貞反其事並驗今貞爲成州司馬俊臣聚結不逞誣構賢良國之賊也上令狀下誅之西市按所云虺貞即越王貞也

虺 見姓纂

傀 見姓纂

隕 見路史

哀 見風俗通

莊子衛人哀駘它貌惡魯哀公召而觀之果以惡駭天下

授以國政朞月而政教大行

王莽傳梓潼人哀章學問長安素無行好爲大言見莽居

攝即作銅匱爲兩檢署其一曰天帝行璽金匱圖其一署

曰赤帝行璽某傳予黃帝金策書某者高皇帝名也書言

王莽爲真天子皇太后如天命圖書皆書莽大臣八人又

取令名王興王盛章因自竄姓名凡爲十一人皆署官爵

爲輔佐章聞齊并石牛事下即日昏時衣黃衣持匱至高

廟以付僕射莽以哀爲國將美新公頗不清莽以選置和

叔毅曰非但保國將閨門當保親屬在西州者諸公皆輕

賤而章尤甚章謂莽曰皇考黃帝之時中黃直為將破殺
蚩尤今臣居中黃置之位願平山東莽遣章馳東與太師
王匡并力又詔太師王匡國將哀章司命孔仁兗州牧壽
良平正王閔揚州牧李聖丞進所部州郡兵凡三十萬照
趙指青徐賊盜後章降雒陽傳詣宛斬之按袁宏漢紀作
褒章訛矣

漢書哀宏騎都尉

後漢書樂成靖王黨傳故掖庭技人哀置嫁為男子章初
妻黨召哀置入宮與通初欲上書告之黨密賂哀置姊焦

使殺初

世說注舊語秣陵人哀仲家梨甚美大如升入口消釋

正字通哀愉仕唐改為哀

姓誼宋有嘉定進士哀長吉又哀道訓居南康贛縣紹興

進士

元史羅繼甸土官哀贊

氏姓誼哀英邵武人成化中任太平府訓導哀育崇安人
宣德貢士哀賢萬安人弘治舉人哀道寧中部人弘治中
任弋陽縣丞哀正蒙城人正德中任信豐縣丞哀世用嘉

靖舉人改衷姓哀凱字舜舉等亭人天順間以按察僉事
治兵尋梧每督戰為士卒先遷按察使擢雲南左布政使
嘉靖進士哀貞吉上改為衷氏

該 見姓苑

臺 見風俗通

逸民傳臺佟字孝威鄴人隱於戎安山鑿石為穴采藥自
給建初中州辟不就按亦見高士傳

風俗通漢有侍中臺崇按山陽公載記袁宏漢記臺並作
壺皆非崇為曹操殺

晉書甄術傳臺產字國雋上洛人漢侍中臺崇之後少傳

京氏易善國讖祕緯天文洛書風角星算六日七分之學

尤善占候推步望氣之術劉曜時官尚書光祿大夫太子
少師位特進金章紫綬按臺產為司空劉均參軍均薦之
曜策問產具陳災變之禍即拜博士祭酒諫議大夫碩太
史令歷位尚書光祿大夫

五代史楊行密將臺濛濛字領雲合肥人仕為宣州觀察
使泗州防禦使孫儒將李從立奄至宣州東溪濛將五百
人屯溪西使士卒傳呼往返數四從立以為大軍繼至乃

引去

宋史臺亨與司馬溫公著閭閻之書者亨其一也善畫
山東志臺謙永樂中諸城貢士任秦安訓導臺存道萬厯
間諸城舉人

磁州志臺鳳磁州人萬厯中任灤州吏目

甘肅志臺獻秦州人永樂戊子科進士官教諭

氏姓謚成化中直隸清河訓導臺官秦州貢士亦見甘肅
志

氏姓謚順寧臺叔齡妻劉氏粗知書一日地震屋壞叔齡

不能起家復失火叔齡母前救不得欲就焚叔齡望見呼
曰急救吾母劉謂夫妹曰汝救母汝兄死吾不用生矣即

自投火中

來 見世系表路史

世系表齊來章徙新野

西京雜記漢文節馬九逸有來宣御之號為王良

按漢功臣表高祖時有軼侯來蒼明帝時副校尉來苗為
騎都尉度遼將軍遷濟陰太守又云明帝時駙馬都尉來
苗出平城是苗又為駙馬都尉也成帝時光祿大夫來漢

有才力副樓船將軍楊僕擊南越孫仲哀帝時為諫議大夫東觀記作來冲生中郎將敏字君叔慷慨有大志治左氏春秋稱天下信士敏弟兄五人弟由為西宜侯敏生褒襲征羌侯壽褒生稜尚顯宗女成安公主稜生執太僕金吾歷字百珍與光祿勳被諷侍中閻丘弘大中大夫第五頡持書侍御史龔調等詣鴻都門證太子無過歷弟祉為步兵校尉超為黃門侍郎歷生虎賁中郎將定定尚安帝妹平氏長公主定生屯騎校尉虎定弟司空豔字季德好學下士開館養徒靈帝時遷司空生敏字恭達善左氏春秋為蜀執慎將軍敏子忠博覽經學有敏風為姜維參軍又按來敏七世孫崩始徙江都崩生繪繪生護兒字宗善隨左翊衛將軍榮國公長子楷以父軍功授散騎郎朝散大夫楷弟宏仕至金紫光祿大夫宏弟整驍勇官虎賁中郎將賊憚之作歌曰長白山頭百戰場十五五把長鎗不畏官軍十萬眾只畏榮公第六郎護兒少子恒濟皆相唐高宗世稱護兒作相是也

順帝紀并州刺史來機天性虐苛多所擾發且凍傳難種

羌遂反

靈帝紀合浦太守來達爲交趾屯兵所執
隨書來和長安人好相術所言多驗知文帝當爲帝官開
府者相經四十卷按周主問畿伯下大夫來和和素附堅
對曰隨公正是守節人耳

唐書寶祿時來擇字無擇應賢良方正著秣陵子集二卷
本事詩來鵬南昌人詩思清麗寒食詩曰分明記得還家
夢徐孺宅前湖水東弟鵠爲文師韓柳有詩才咸通進士
著有來公集一卷

唐書來曜永壽人奮行間開元間持節磧西副大使四鎮
節度使著名西邊子瑱略知書崖然有大志官汝南太守
賊畏之目爲來疇鐵官至五州節度使同中書門下平章
事

萊

見路史

孟子湯臣萊朱名疑云萊朱古萊侯之系一作邾朱按趙
岐孟子注萊朱即仲虺仲虺任姓則陳氏以爲萊侯之系
者誤矣

左僖三十三年傳晉與秦戰於殽梁弋御戎萊駒爲右
左哀公二十四年傳晉伐齊萊章曰君卑政暴往歲克敵

今又勝都天奉多矣又焉能進是讐言也彼將班矣晉師
乃還

左昭四年傳孟仲與公御萊書觀於公公出鼻之環
四川志萊從巴縣人宣德中任新喻縣教諭按弇山堂別
集作從善

邾 見廣韻

梧 唐韻扶來切音陪出姓苑按姓苑有梧姓無梧姓則梧爲
訛字宜刪

台 見漢書注

江南通志台鼎當塗人洪成中任長陽知縣台汝礪句容
籍雲南臨安人崇正丁丑進士

台丘氏此姓諸書無今補

按北海相景君銘碑陰有故脩行都昌台丘暹字世德又
故午都昌台丘遷字孟道

邨 見廣韻

氏族畧宋邨端儒林郎僉判連州

氏姓謚邨溥繁昌人正統貢士任縣丞邨清江寧人景泰
舉人任御史邨泗溧水人正德舉人任教諭邨周光字定

國高郵人正德舉人任知州邵衡溧水縣人康熙癸未進士

壇 縉紳錄嘉慶時邵北祿廣西甲寅舉人任四川綦江知縣見姓誼古文臺字

孩 此姓諸書無今補世本孩作服牛宋衷注黃帝臣一引作骸

此似能姓

媒 見姓誼

哈 奇姓通和治舉人哈左音孩光州人任平縣教諭

虫 見路史按虫古虺字

駘 見路史

才

明史兵部尚書才寬字汝栗遷安人天順進士正德初為河南左布政使器度閎闊遇事裁答無滯後陞工部尚書總制陝西軍務小王子犯延綏戰死花馬池按賈氏陝西志才寬字汝栗北直遷安人成化中進士初任西安知府後以副都御史巡撫陝西改兵部尋兼副都御史總制三邊好野戰不拘陣畧值火篩在套率師由興茂營擊之斬

首數十級，狃勝深入，忽中流矢卒於陣。事聞，陰子百戶錦衣衛世襲雍大記寬，知治中。知西安府，惠民，凡下其治，坦闊遇事，裁決如響，不較小過。民思慕之。西安府志有民失金於食店，急白寬，寬仰見鷹飛，又有蜘蛛墜案，曰：店中必有姓朱名英者，得其金。詰得其人，果出金以給失者。至今民謠曰：才寬斷朱英。

統誼才俊，昌黎人。宣德中任高郵判官。

催 此姓諸書無，今補。

江南志明巡按監察御史催璵。

材

氏姓誼宋材，致知韶州。

哉 見姓苑。

裁 見姓苑。

豺

集古印誼漢有豺奴之。

財 見姓苑。

涑 見姓苑。

崖

唐書吐蕃將崖遇

宋史有市馬蠻客崖遇

魁

見姓苑

氏姓証景泰二年浙江黃巖縣主簿魁倫登州萊蕪人貢士

魁隗氏見路史

姓韻卷二十

十一真

真

見風俗通

武威張

澍墓

呂氏春秋禹得臯陶化益真窺橫草之交五人佐禹故功

績銘乎金石著於盤盂

楊震碑陰有南陽真仲忽真孝祖

董賢傳太醫令真欽董賢使求傅氏罪無所得

風俗通漢有太尉長史真祐

隸釋漢延熹五年七月中旬真道字直中以錢八千從有
親真教字政直二弟政升升二從弟漢宗市冢地廣二十
二丈

集古印誼漢有真理真宮

還寃記真子融北齊世嘗為井陘關收租使賍貨甚為人
所糾齊主欲以行法意在窮治乃付并州城局參軍崔法
瑗與中書舍人蔡暉共拷其獄然子融罪皆在赦前法瑗
等觀望上意抑為赦後子融臨刑之際怨訴百端既不得
理乃曰若使此等平直是無天道後十五日法瑗無病死
經一年許蔡暉患病膚肉爛墮都盡苦楚日加方死
魏義橋石像碑有真假之

唐書至德初西原蠻帥真崇鬱與黃乾曜等叛環古等州
首領討斬之

宋史真德秀字景元更字希元浦城人本姓慎避諱改學
者號西山先生子志道官戶部侍郎子紹祖官至府判同
祖官至同知孫蜀孫任旌德縣主簿宜孫擢永壽縣尹真
山民德秀從孫入元不仕埋名蜚遊有箕穎風

姓氏誼真善同字景彰浦城人永樂舉人真節字士和正

德中任河南府通判人稱清白吏

題名錄真憲時松谿縣人萬厯甲辰進士

真人氏見唐書

唐書日本使者朝臣真人粟田貢方物朝臣真人者猶唐尚書也真人好學能屬文進止有容至后宴之麟德殿授司膳卿還之開元初復朝粟田從諸儒授經

唐書建中元年日本使者真人興能獻方物興能善書其紙似繭而澤人莫能識真人蓋因官而氏者也按清異錄建中元年日本使真人興能來朝善書札有譯者乞得章

草兩幅筆法有晉人標韻一作興龍

真郭氏按辯證有此姓非也宜刪

新見姓纂路史

逸周書作雒解新荒伐蜀按新荒武王臣也

唐韻國語晉大夫新穆子按孫恂引脫釋字

東觀漢記梁統對尚書狀曰元壽二年三輔盜賊羣輩並起至燔燒茂陵都邑烟火見未央宮其後隴西新興北地任橫任崖西河糟况越州度郡萬里交結按鮑宣傳時名捕隴西辛興興與宣女壻許紺俱過宣一飯去宣不知情

坐繫獄自殺即此人辛新古字通

東觀漢記新臣秦豐軍師按春秋許男名新臣此人襲之

集古印誼漢有新苒新青

唐書孝友傳序有鄭縣新法汪

氏姓誼新度閩縣人洪熙中任南城縣教諭

新和氏見姓苑

新垣氏見陳留風俗傳

國策梁將新垣衍魯仲連說之不肯帝秦

孔叢子魏新垣固謂子順曰賢者所在必興化致治今子

相魏未聞異政而即自退何去之速也

集古印誼漢有新垣福新垣重

漢書文帝時新垣平趙人以望氣見上謂日再中又請設

渭陽五帝廟欲出周鼎當有玉英後詐獻玉杯刻曰人主

延壽

新穉氏見氏族畧

國語趙襄子使新穉穆子伐翟勝左人中人遽人來告襄

子將食壽飯有恐色侍者曰狗功大矣而主不怡何也注

襄子晉正卿簡子之子無恤也新穉穆子晉大夫新穉狗

也伐翟在春秋後

新孫氏見姓苑

新成氏此姓諸書無今補

集古印誼漢有新成堂新成輔

辛 見世本史記

劉向別錄辛甲事紂七十五諫而不聽去之周文王以為公卿封之長子按左傳魏絳曰昔辛甲之為太史命百官官箴王闕于虞人之箴曰在帝夷羿冒于原獸用不恢于夏家獸臣司原敢告僕夫

呂氏春秋周昭王親將征荆辛餘靡長且多力為王右還反涉漢梁敗王及蔡公扞於漢中辛餘靡振王北濟又反振蔡公周公乃侯之於西翟實為長公按辛餘靡一作辛繇靡繇又作由

說苑辛櫟見魯穆公言周公不及太公之賢南宮邊子以為小人之言按呂氏春秋則以為辛寬事魯大夫辛櫟辛寬亦見左傳又晉欒氏家臣辛俞晉逐欒盈之族令家臣有敢從者死俞從之吏得而將殺之俞曰三世仕于家者君之二世者主之敢畏死而忘二世之恩哉

世系表周武王太史辛甲封長子後有辛伯辛有皆為大夫有二子適晉晉太史有辛廖或為董氏至秦將軍辛騰家於中山苦陘曾孫蒲漢初以名豪徙隴西狄道曾孫柔字長泛光祿大夫右扶風都尉馮翊太守四子臨眾武賢登翁按辛伯見桓公十八年傳諫周公黑肩者辛廖也畢萬之按辛伯見桓公十八年傳諫周公黑肩者辛廖也畢萬之後必蕃昌見閔元年傳辛有於平王東遷時適伊川見被髮而祭於野者曰不及百年此其戎乎見僖二十二年傳范子曰計然者葵丘濮上人姓辛氏名文子其先晉國亡

公子也嘗南游於越范蠡師事之

漢書辛武賢狄道人官破羌將軍子慶忌字子貞徙昌陵為光祿大夫執金吾右左將軍長子通為護羌校尉中子遵為函谷關都尉少子茂為水衡都尉出為郡守皆有將率之風按王莽以三子皆能欲親厚之茂自以名臣子孫兄弟竝顯列不宜珣莽皆坐死辛伯亦辛氏之族并及禍緯畧辛翼與張良同報仇

漢書竇融傳敦煌都尉辛彤按羣輔錄作敦煌太守字大房

晉書

辛怡為幽州刺史孫深仕西涼為驍騎將軍子紹

先自中書博士轉神部令遷下邳太守次子穆字叔文歷
汝陽太守破羌將軍辛祥字萬福自司空主簿後除郢州
龍驤府長史帶義陽太守弟辛少雍因祖紹先嗜羊肝終
身不食官給事中子元桓武定中儀同府司馬次子少遜
太師開府功曹參軍辛子馥字元穎穆之子蚤有孝行累
遷平原相後官清河太守

魏書辛雄字世賓父暢汝南南鄉二郡太守歷官度支尚
書侍中左僕射辛纂字伯將雄從兄學涉文史官至西荆
州刺史辛琛字僧貴雄之族祖父寶樹並代郡太守孝文

時琛為滎陽郡丞後官南梁州太守子悠字元壽為侍御
史辛術字懷哲琛之子遷尚書右丞出為清河太守遷騎
常侍吏部尚書少愛文史晚更勤學

周書辛威賜姓普屯氏出為鄜州刺史遷河州刺史子承
達嗣位儀同大將軍

周書辛慶之字餘慶父顯宗馮翊太守慶之以文學徵詣
洛陽對策第一除秘書遷南荊州刺史

周書辛昂字進君為梁州刺史遷驃騎大將軍

隋書辛彥之為禮部尚書文帝令與沈重論議重不能抗

曰辛君所謂金城湯池無可攻之勢也

辛 廖氏見英賢傳

英賢傳漢有河間相辛廖通

莘 見潛夫論氏姓志

周那美等造像記有邑子莘阿女

氏族畧宋有莘融錢塘人進士按一作唐人誤

氏姓謚莘野字叔耕歸安人博學強記洪武時由本縣訓

導遷棗強縣知縣有賢聲著有環州集按靜居集張羽題

莘野寒林云好畫誰如莘棗強墮馬折肱猶未忘何年寫

此寒林題精絕未數左手王

仁 見姓苑路史

方輿紀要云白虎通曰戰國時楚莊躡據滇號為莊氏漢

武帝立白崖人仁果為滇王而躡嗣絕仁果傳十五代為

龍那佑諸葛武侯南征次白崖賜姓張氏按果一作杲

姓苑漢彭城人仁同成按亦見集古印謚

五代史甘州回鶻可汗姓仁有仁美及其弟狄銀又有仁

裕皆常朝貢

元史類編諸王禿堅據雲南反道雲南理問仁通率官兵禦之没于陳

人
見姓苑

統謹人傑開州人任瓊州衛左所百戶

紉 見太平寰宇記此姓諸書無今補

神 見風俗通

帝王世紀黃帝將有神皇直按一作中皇直

風俗通漢有騎都尉神曜

集古印謹漢有神通按英賢傳漢神通官中郎將

謝氏詩源灼灼與河東人神通目授不復可見以輕絹帕

裹紅淚寄之後姚鷲有秋閨詩曰菊花人共瘦楓葉淚俱

紅即用此

四川志唐時成都神鳳儀字子韶少工文流連女色老成

勢衰生子俱不全然亦以壽終人謂之異數

氏族畧神贊韶州人元符進士迪功郎神應龍開寶進士

氏姓謹神德喜乳源人永樂舉人神受博羅人宣德舉人

任知縣神志曲江人正德中任雋都縣丞

西寧志嘉靖間神楫榆林人為西寧守備

四川志明什邡縣貢生神佑汝

明史天啓四年流寇神一元陷保安張應昌偕左光先破

一元其弟一魁代領其眾

明史神英字景賢壽州人天順初襲父職為延安衛指揮使守備宣塞營屢將騎兵總督張欽等征討有功成化元年尚書王復行邊薦英有謀勇進都指揮僉事以從征滿四功遷都指揮使充延綏右參將屢敗亂加思蘭兵進署都督僉事巡撫余子俊築邊牆命英董役工成受賚久之充總兵官鎮守宣夏移延綏移宣府弘治改元移大同十一年馬市開英違禁貿易寇掠蔚州又不救言官連劾召還閒住尋起督果勇營嘗充右參將帥京軍以援尋以都

督同知僉書左府剿近畿劇賊進右都督正德五年給事中段勇劾英老命致仕當是時劉瑾竊政總官曹雄等以

附瑾得重權英素習瑾厚賄之因自陳邊功乞叙錄特詔

予伯爵吏兵二部持之下廷議而廷臣希瑾指無不言當封者遂封涇陽伯祿八百石未幾寘鐫反命充總兵官討之未至賊已滅其秋瑾敗為言官所劾詔奪爵以右都督致仕越二年卒子周翰粟為指揮僉事累官都指揮使充延綏右參將正德六年命以所部兵討河南流賊數有功再進都督同知賊平遂以副總兵鎮山西九年流寇大入

寧式關躡忻定襄寧化周擁兵不戰軍民死者數千詔巡撫奪職歸京師周潛結貴近行至易州偽稱病自陳戰功帝乃宥周罪盡削其秩為總旗而輸粟指揮如故己寅緣江彬入豹房驟復都督賜國姓典兵禁中遂與彬相倚為聲勢納賄不貲彬敗周亦下獄伏誅

申
見史記三皇本紀廣韻

按左傳齊申蒯與其宰死崔杼之難見襄二十五年傳鄭申侯本楚人奔鄭魯申夜姑公烏之臣申繻公問名者見桓六年傳季武子訪於申豐曰彌與紇吾愛之欲擇才而

立之見襄二十三年傳申豐即哀公執贄請見者昭公十七年冬有星孛于大辰西及漢申須曰彗所以除舊布新也諸侯其有火災乎又季氏將墮費公山不狃率費人襲

魯公登武子之臺仲尼命申句須樂頎下伐之見定公十年

楚申舟無畏即文之無畏也為左司馬見文十年傳

年傳楚子使申舟聘齊見犀而行注犀申舟子以子託王示必死見宣十三年傳樂書侵楚獲申驪驪亦作麗見成

八年傳申無宇曰王子必不免見襄三十年傳芋尹無宇之子申亥曰吾父再奸王命見昭十三年傳伍員與申包胥為友服虔注即王孫包胥見定四年傳申書樂盈之黨

為范宣子殺見襄二十三年傳申鮮虞與閭丘嬰奔魯注
莊公近臣見襄二十五年傳

管子魯申俞諫莊公入齊

晏子春秋為田野不闢倉庫不實則申田存焉

韓詩外傳申鳴治園以養父母以孝聞於楚王王召以為
左司馬白公之亂將兵討白公而殺之其父死焉王歸賞
之自刎而死

尸子韓雉見申羊于魯有龍飲于沂雉曰吾聞之出見虎
搏之見龍射之

淮南子申喜聞乞人之歌而忍出而視之其母也注申喜
亡其母母乞食于道又云老母行歌而動申喜精之至也
論語孔子弟子申張字周按史記作申蒙家語作申續史
記索隱謂文翁圖有申張申堂今所傳祀殿圖有申黨無
申張

國策郢威王寢不寐食不飽帥天下百姓以與申縛過於

泗水之上而大殷申縛按王褒洞簫賦云桀跖鬻博李善曰鬻夏育也

博申博也齊將申博即申休力士也國策作申縛殺夏育
者陸機夏博贊曰夏育之猛千載所希申博角勇臨額奮

推

高誘呂氏春秋注申不害鄭之京人又公香相周申向說

之而戰高注申向周人申不害之族

申都氏見漢書功臣表
申徒氏見風俗通

風俗通申徒狄夏賢人湯以天下授之恥不以義聞已自

投於河按莊子申徒狄諫紂而不聽負石自投於河為魚

鼈所食則商末人也

漢宗俱碑陰門生名有外黃申徒商字文夏申徒稱字公

秉

史記高祖紀與魏將皇欣魏申徒武蒲之軍并攻昌邑按

袁紀作申徒武滿

申屠氏見英賢傳路史

莊子申屠嘉兀者也而與鄭子產同師於伯昏無人子產

謂申屠嘉曰我先出則子止子先出則我止按一作申徒

嘉

史記表文帝丞相申屠嘉梁人封故安侯子恭侯嘉傳共

侯名茂按漢書表名共無謚共侯子史申屠史初封故安

侯武帝元狩二年改封清安侯坐罪除又按嘉傳共侯子

去病去病子史有罪國除無改封清安文徐廣云一本無此去病

袁宏記世祖嘗避吏于宛李通遣軼侯世祖初通同母弟申屠臣善為醫術以其難使也續殺之故不欲見軼按申屠臣范漢書注作申徒臣東觀記作公孫臣

王莽傳將軍申屠建以王憲德綬璽不輒上多挾宮女建天子鼓旗收斬之又云建嘗事崔發為詩建至發降之後復稱說建令丞相劉賜斬發以狗按袁宏紀申屠建等勸更始讓帝位更始不應建等謀劫之也

成帝紀潁川鐵官徒申屠聖等百八十人殺長史盜庫兵自稱將軍

馮魴傳湖陽虞都尉反城稱兵先與同學申屠李有仇而殺其兄謀滅李族季亡歸魴魴營護之

按白石神君碑末有長史潁川申屠熊蓋常山相馮巡長史也

隗囂傳申屠剛字巨卿質性方直慕史鮪汲黯之為人為詔持書光武時為大中大夫按東觀記剛蹇蹇多直言無所屈撓續漢書剛在尚書數犯顏正色百寮憚之

百官表光祿大夫茂陵申屠博次孫為京尹一年後遷為
執金吾

謝承後漢書郭泰拔申屠子陵于漆工之中

漢書申屠蟠字子龍外黃人見范滂等非訐朝廷嘆曰戰
國時處士橫議卒有坑儒焚書之禍今將復見矣

蕭廣濟孝子傳申屠勳字君游少失父與母居家貧傭力
供養作壽器用漆五六斛十年乃成

南涼錄秦王興徵王尚還長安涼州人申屠英等三百餘
人造主簿胡威詣長安留尚興弗許

唐書孝友傳序有朝邑申屠思恭

郎官石柱題名有戶部郎中申屠錫

太平廣記唐證聖中劉奇為侍郎注張文成司馬鏗為御
史二人因申屠瑒以謝奇正色曰舉賢無私何見謝

唐書揚州人申屠生能化黃金高駢客之為呂用之所譖
亡奔襄漢為劉巨容所留

河東記貞元時什邡尉申屠澄其妻化為虎

唐文申屠液開元十二年判官亳州臨渙尉有執國公楊

花臺銘

唐書鄭紹業鎮荆南遣大將申屠琮將兵五千攻黃巢于
長安按舊書作荆南大將申屠棕

仙傳宋崇寧時陽羨申屠有涯常攜瓷瓶以游偶飲酒大
吐照逐之跳入瓶不見

孫鑛紹興志申屠澄字敬仲諸暨人受業黃文獻公之門
得其淵源工古文詞精篆籀小楷足配秦晉

南唐書申屠令堅山東人少無賴勇敢絕人晉漢間常為
盜被獲市酒與守吏飲乘醉破械南奔元宗保大末禦周
師於壽春破賊有功擢神武都虞侯開寶末官吉州刺史

前二年令堅寢則夢與人搏大呼而寤夜使羣婢歌呼喧
笑達旦始寐至夜若與人搏擊於帳中者少時而卒

五代史世宗遣鹽城監使申屠諤齋書及御馬一十匹金
銀銜全散馬四十匹羊千口賜江南李景諤先為王師所
俘故遣之

元史申屠致遠字大用其先汴人金末從其父義徙居東
平之壽陰致遠肄業與李謙孟祺等齊名後為建業道肅
政廉訪使致遠清修苦節恥事權貴

虞道園學古錄申屠子邁善畫馬

申章氏見潛夫論路史

韓非子王登為中牟令言中牟士申章胥已襄王曰子見之我得以為中大夫按呂氏春秋作膽胥已王登作任登漢儒林傳長沙太傅申章昌字曼君楚人傳穀梁春秋先為博士徒眾尤盛按風俗通作由章昌

申鮮氏見姓謹

左傳哀七年齊申鮮虞莊公近臣崔杼弑莊公閭嬰與申鮮虞乘而出如楚子傳摯亦事莊公以武力聞申叔氏見氏族謹

按宣十一年傳申叔時使於齊十五年傳時勸王築室反耕又申叔時勸莊王復封陳子申叔跪嘗從其父適郢識巫臣竊妻見成二年傳申叔豫叔時之孫以忠言曉遠子馮見襄十一年傳又有申叔展事莊王與蕭大夫還無社善見宣十二年傳其後仕吳有申叔儀乞糧于公孫有山氏見哀十三年傳

申公氏見世族謹姓纂

左傳申公巫臣又名屈巫楚公族也楚有申公壽餘

賓

見路史

管子管子曰折獄公平不如賓須無新序叔向對晉平公
曰管仲善制割隰朋善削縫賓須無善純緣桓公知衣而
已
昭九年傳周使賓滑執甘大夫襄以說於晉晉人死而歸
之注賓滑周大夫

昭二十二年傳王子朝賓起有寵於王王與賓孟說之樓
立之按國語賓起即賓叔為王子朝傅亦即賓孟孟適郊
見雄雞自斷其尾問之侍者曰自憚其犧也遽歸告王且
曰雞其憚為人用乎

呂氏春秋齊莊公之時有士曰賓畢聚夢有壯子白縞之
冠丹績之袖東布之衣新素履墨劍室從而叱之唾其面
氏姓謹賓思貴長沙人洪武舉人任廣西恭城縣教諭賓
禮慶德州人永樂中任永州府推官公平廣^寬大獄無繫囚
賓伯才蒼梧人宣德舉人賓繼本正統中任廣東提舉賓
學正統舉人任文選司主事廉介不阿均蒼梧人

四川志賓守朶潼川府人武生嘉慶元年戰死於昭化縣
魚釜灘又賓紹仁屏山縣鄉約

賓牟氏見樂記注

樂記魯有賓年賈侍坐於孔子而問樂注賓年姓賈名
鱗 見世本潛夫論路史

左文七年傳鱗矐為司徒杜注桓公孫按公子鱗生矐矐
非桓公子世本云桓公生公子鱗鱗生東鄉矐

成十五年傳鱗朱為少司寇杜注朱矐之家孫按世本矐生

司徒文文生大司寇子奏子奏生朱是朱為矐曾孫杜氏

說誤也

鱗蕩氏見路史按此說誤宜刪

陳

見廣韻

論語孔子弟子陳亢按陳亢說文作伉字子禽少孔子四

十歲

孟子有陳良陳相

左定八年傳宋樂祁犁之家臣陳寅勸祁立子溷而後如

晉

戰國策陳軫夏人陳筮按陳與田通陳氏即田氏故田單

賈子作陳單也

新序齊崔杼弑莊公有陳不占者聞難將赴之比去餐則
失匕上車失軾遂往聞戰鬪之聲恐駭而死

呂氏春秋威覽論陳年猶欲劍之利也注陳年齊人勇捷有力者也

凡記注陳質娶妻而長乃拜之

史記秦蜀相陳莊按新序作陳叔相蜀侯輝同反莊又作壯

日者傳陳君夫婦人也以相馬立名天下

漢書光武雲臺二十八將有陳俊為疆弩將軍

廬江七賢傳陳臨辟州從事揚州部有賊擊之多死眾請以威信取之因單車白馬往賊束身歸降遂生為立祠號

曰白馬從事

史通漢有陳宗字平仲雅陽令與班固同撰中興紀傳按宗平陵人論衡云揚子雲錄宣帝以至哀平陳平仲紀光武

漢書郭躬傳陳伯敬汝南人還觸歸忌則寄宿鄉亭後坐女婿亡吏太守邵夔怒而殺之

南蠻傳武陵蠻陳從零陵蠻陳湯

漢書明帝時西域都護陳睦為焉耆龜茲攻沒其眾和帝時大司農陳寵為司空成帝時謁者陳農為使求遺書于

天下安帝時衛尉廬江陳褒為司空褒字伯仁舒縣人順
帝時使匈奴中郎將陳龜迫殺南單于桓帝世桂陽賊李
研等寇郡界武陵蠻復叛太守陳奉以戰大破降之桂陽
賊胡蘭朱蓋等攻沒郡縣零陵太守陳球拒之球由衛尉
為司空球弟子珪沛國相生登靈帝時丹陽山越賊圍太
守陳黃黃擊破之又靈帝時太常陳耽為太尉耽字漢公
東海人陳懿為金城太守為邊章韓遂攻殺太傅尚書令

陳蕃為宦人譖殺

陳留氏見英賢傳

陳豐氏見姓謹路史

陳方氏此姓諸書無今補

卷之三

